

三經合卷

戎二

諸菩薩求佛本業經

與諸菩薩本
業經同本出

菩薩十住行道品經

菩薩十住經

二經與華嚴十
住品同本異出

諸菩薩求佛本業經

西晉清信士聶道真第二譯

憍那師利菩薩問文殊師利菩薩甚足陸何因
身有所行不令他人得長短口所言不令他
人得長短心所念不令他人得長短何緣身
不行他人長短口不說他人長短心不念他
人長短持是身所行口所言心所念眾阿羅
漢辟支佛及諸天世間人民所不能及知身
所行口所言心所念無有能逮者無有能動
轉者身所行口所言心所念無有能周者身
所行口所言心所念皆成就遂意身所行淨
潔口所言淨潔心所念淨潔身所行無瑕穢
口所言無瑕穢心所念無瑕穢身所行智慧
在上頭口所言智慧在上頭心所念智慧在

上頭生時端正生時智慧生時布施生時種
類中好生時於尊貴家生時面色好生時善
相與眾異意所念皆強多所護持不忘無所
愛惜高才猛健猛中尊猛中貴猛中勇猛中
勇猛中有無有比所議為無有能計量者所
議無有央數所議為不可計無有邊幅無有
能勝者慈愛於佛經皆前出勸力行所致多
所出入語者人皆信用之無有不敬附者身
所行無有不淨潔者諸所視經無有不了知
者一心降意思惟明曉個念入禪出入五音
中入於四事入於三事中入於十二事中過
去當來今現在所出生福祐功德中入於七
覺意中入於虛空無常無所罣礙中入於六
波羅蜜經中悉具足念善惡愛惡傷等心悉
無所憎愛入於十種力慧中為諸天梵釋阿
須輪鬼神龍所供養悉愛護十方人諸有驚
怖者皆歸仰得解諸有恐懼急緣者無不得
安隱者明於十方如燈火如炬火如大火如

日月過度諸世間人如船棧如船中人有導師於諸天世間人民蚰飛蠕動之類極善極豪都於大衆中最獨尊雄中復重雄極上無有與等者如是法當何以致之

文殊師利菩薩語憍那師利菩薩言善哉善哉佛子所問乃尔極大慈愛多所度脫乃作

或二

二

是發意問所問者皆有佛子菩薩身所行有口所言有心所念有意所念道諸所施行功德悉可得未曾增減佛經時過去當來今現在佛悉受得之皆從是起成皆使世間人民悉安隱諸所說經悉諸受諸所有宿命惡惡消盡諸經悉受得之諸所有皆快諸所有皆

好無有與等者如是佛子行於大道者悉皆得之菩薩居家法心念言十方天下人皆使莫爲愛欲所拘繫悉入虛空法中菩薩孝順供養父母時心念言十方天下人皆使早得佛道以當度脫十方天下人菩薩妻子共居時心念言十方天下人皆使諸有愛欲悉消

去菩薩居家有所思時心念言十方天下人皆使脫於愛欲中得道極過度菩薩居家相娛樂作音樂時心念言十方天下人皆使聽受諸經悉聞得如是作音樂時欲聽聞菩薩著七寶時心念言十方天下人皆使脫於重擔去惡得止休息菩薩在采女中相娛樂時

心念言十方天下人皆使悉入佛經中拔棄於婬泆菩薩在樓上時心念言十方天下人皆使上佛經講堂上悉受諸經無有與等者菩薩布施時心念言十方天下人皆使諸所有但欲施與人無有貪愛者菩薩與妻子恩愛時心念言十方天下人皆使早脫去於婬

或二

三

婬惡露悉棄捐令覺知入虛空中菩薩患厭家中時心念言十方天下人皆使早得解脫無所復拘著菩薩棄家行學道時心念言十方天下人皆使得出去莫復還入愛欲中無所復貪慕菩薩到佛寺時心念言十方天下人皆使但念佛悉入諸經中無所復罣礙善

薩至師和上所時心念言十方天下人皆使
心所念善無有不得者悉入正經中菩薩索
作沙門時心念言十方天下人皆使所至到
悉令得成就莫復中悔止菩薩去白衣時心
念言十方天下人皆使極照明於功德中莫
令有懈怠菩薩受製裝時心念言十方天下
人皆使無所玷汙持心如佛菩薩剃頭髮時
心念言十方天下人皆使垢濁悉除去莫復
與共會菩薩作大沙門時心念言十方天下
人皆使達遍和想拘舍羅波羅蜜悉得經菩薩
作沙門時心念言十方天下人皆使作沙門
時令如佛悉度十方天下人菩薩持戒時心
念言十方天下人皆使護持禁戒莫令犯如
法菩薩受和上時心念言十方天下人皆使
念所知禪極過度無所一星礙菩薩受師時
心念言十方天下人皆使所作悉為狎習如
所教法持不失菩薩自歸於佛時心念言十
方天下人皆使無不歡樂於佛法悉生極好

處菩薩自歸於經時心念言十方天下人皆
使悉速得深經藏所得智慧如大海菩薩自
歸於僧時心念言十方天下人皆使無不得
依度如比丘僧有所依度樂於佛道德菩薩
開戶時心念言十方天下人皆使早開天門
入佛經門莫復歇還者及自致佛泥洹道善
薩入室中時心念言十方天下人皆使得度
脫所居止處早如佛所止處早逮得深經衆
阿羅漢辟支佛所不能及菩薩閉戶時心念
言十方天下人皆使早閉塞惡道門諸所有
宿命惡業燒盡菩薩敷床時心念言十方天
下人皆使早入至深經中衆視十方人虛空
菩薩坐時心念言十方天下人皆使坐安如
佛坐於師子座上時莫令心有所著菩薩正
坐時心念言十方天下人皆使入正功德中
無令有狐疑增減佛經中菩薩喘息時心念
言十方天下人皆使喘息定成止足菩薩個
念觀時心念言十方天下人皆使當作是念

戒二

四

見無常法菩薩起坐時心念言十方天下人皆使所見虛空法無有不了知者菩薩足蹈地時心念言十方天下人皆使住安隱不復動搖菩薩著泥洹僧時心念言十方天下人皆使檢持功德悉愧於世間諸所有早令得佛道菩薩繫帶時心念言十方天下人皆使結諸功德悉令堅菩薩被安起時心念言十方天下人皆使重益得諸功德悉入諸經中極過度去菩薩被震越時心念言十方天下人皆使常樂喜於佛經未曾離時菩薩持楊枝時心念言十方天下人皆使舉諸經悉淨潔得菩薩踈齒洒口時心念言十方天下人皆使諸垢濁悉淨潔去清淨住菩薩左右時心念言十方天下人皆使棄眾惡斷絕姪洑瞋恚愚癡菩薩行至水時心念言十方天下人皆使上佛經悉淨潔菩薩持水行時心念言十方天下人皆使無不謹勑更好心淨潔菩薩澡手時心念言十方天下人皆使更好

戒二

五

手取諸經道法菩薩洗面時心念言十方天下人皆使入佛經道面門莫令有取穢菩薩向出門時心念言十方天下人皆使逮所求索悉疾得無所復罣礙菩薩向道時心念言十方天下人皆使早得佛莫復令還菩薩行道時心念言十方天下人皆使入無底經中悉深入經淨潔身體無所罣礙菩薩行道上坂時心念言一方天下人皆使喜樂佛經無有厭極時菩薩行道下坂時心念言十方天下人皆使入佛大道中悉貫諸智慧菩薩行曲道中時心念言十方天下人皆使莫有邪念無令有惡口菩薩行直道中時心念言十方天下人皆使心念正道無令有諛諂菩薩見揚塵滿道時心念言十方天下人皆使諸欲去常得明經菩薩見掩塵滿道時心念言十方天下人皆使常柔爽心悉得諸慈哀菩薩見陰涼樹時心念言十方天下人皆使諸所惡法悉除去通利入佛經中悉覺知菩薩

見講堂精舍時心念言十方天下人皆使聽受諸經悉入中菩薩見林大樹時心念言十方天下人皆使無不歸仰供養者天上世間皆悉然菩薩見山時心念言十方天下人皆使心高才明諸功德法無有能勝者菩薩見棘樹時心念言十方天下人皆使疾遠離於煙洑瞋怒罵癡菩薩見葉樹時心念言十方天下人皆使道覆蓋得禪迴入三昧菩薩見華樹時心念言十方天下人皆使莊身得三十二相菩薩見寶樹時心念言十方天下人皆使得華寶悉具足於佛經中菩薩見流水時心念言十方天下人皆使入佛經流淵中悉得佛智菩薩見井時心念言十方天下人皆使早開經門一味無有異菩薩見波水時心念言十方天下人皆使所道智悉具足開入功德法中菩薩見泉水時心念言十方天下人皆使所問慧者多所解悉會於佛經道中菩薩見大水時心念言十方天下人皆使

戒二

六

悉重持諸功德法無有盡賜時無有能過者菩薩見橋梁時心念言十方天下人皆使得諸經極過度人如橋梁過人無有極止時菩薩見宅舍時心念言十方天下人皆使遠離於愛欲十方人心所念者皆悉知菩薩見園時心念言十方天下人皆使心無所拘著不樂於五音樂五所思菩薩見菓園時心念言十方天下人皆使心無所愁憂悉得深智本根菩薩見戲園時心念言十方天下人皆使無不精進者莫令離於佛諸經菩薩見莊嚴大衆出時心念言十方天下人皆使莊嚴於三十二相悉遠得菩薩見人愁憂時心念言十方天下人皆使莫復愁憂菩薩見人喜樂時心念言十方天下人皆使樂喜深經菩薩見人不樂時心念言十方天下人皆使恩愛無所著菩薩見人安隱時心念言十方天下人皆使安隱速得如佛安隱菩薩見人勤苦時心念言十方天下人皆使咸賜諸勤苦悉

見正真道菩薩見人強健時心念言十方天下人皆使強健如佛時身強健菩薩見人病時心念言十方天下人皆使念無常悉入虛空中盡究竟於佛經莫復還菩薩見端正人時心念言十方天下人皆使愛樂於佛經菩薩見醜人時心念言十方天下人皆使莫墮

戒二

七

惡中菩薩見報恩時心念言十方天下人皆使報恩於諸菩薩菩薩見不報恩人時心念言十方天下人皆使無有慳貪悉示人於正道菩薩見沙門時心念言十方天下人皆使受諸經悉究竟得菩薩見異道人時心念言十方天下人皆使諸惡根本悉消盡賜究竟諸經菩薩見仙人時心念言十方天下人皆使所求願盡悉得所作爲皆成足菩薩見被鎖人時心念言十方天下人皆使受鎖悉具足於佛經菩薩見愚鈍時心念言十方天下人皆使黠健所作爲莫墮惡中菩薩見講經時心念言十方天下人皆使所聞知無

不解慧者菩薩見帝王時心念言十方天下人皆使自致爲經中王自然轉經說道無有休絕時菩薩見太子時心念言十方天下人皆使作佛子常化生於經中菩薩見公卿時心念言十方天下人皆使明於深經中所問慧莫不解遺承用者菩薩見旁臣長吏時心

念言十方天下人皆使念正莫有惡無令遠離於諸菩薩菩薩見城時心念言十方天下人皆使身體無有與等者悉令人善無有能過者菩薩見宮闕時心念言十方天下人皆使樂明於心常令與善功德相值菩薩見持錫杖時心念言十方天下人皆使常作善爲人所仰常欲施與人教人爲善法菩薩持鉢時心念言十方天下人皆使多所饋遺悉受所供養皆入於無底功德中菩薩行分越時心念言十方天下人皆使入佛法處無有謬誤時菩薩至人家門時心念言十方天下人皆使至佛經門菩薩入門內時心念言十方

天下人皆使入佛智慧內菩薩未受飯食時
心念言十方天下人皆使無有逆難悉入般
若波羅蜜經中菩薩未得飯時心念言十方
天下人皆使莫復墮泥犁禽獸薊藍穢惡
道中菩薩見空鉢時心念言十方天下人皆
使空於受欲中菩薩見滿鉢時心念言十方

戒二

天下人皆使滿諸功德中菩薩見受飯鉢時
心念言十方天下人皆使奉行佛道事菩薩
見慚愧人時心念言十方天下人皆使無不
慚愧於愛欲者菩薩見不慚愧人時心念言
十方天下人皆使心所念惡悉棄捐莫不慈
哀者菩薩得美食時心念言十方天下人皆
使所願無不悉得者心無玷汙菩薩得鹿飯
時心念言十方天下人皆使柔爽心無不慙
傷者菩薩飯時心念言十方天下人皆使如
禪食足常飽於經菩薩食味時心念言十方
天下人皆使飽味如佛喉咽所化味時悉令
遠得於甘露名經菩薩飯已時心念言十方

天下人皆使所作爲悉成足入佛經極過去
菩薩說經呪願時心念言十方天下人皆使
所說道無有盡時悉入佛諸深經中菩薩說
經呪願已出去時心念言十方天下人皆使
出於三處色無常空中悉受得佛智慧菩薩入
水時心念言十方天下人皆使入佛智慧中

過去當來今現在悉平等菩薩浴時心念言
十方天下人皆悉洗除心垢悉令去明極照
至邊菩薩見熱時心念言十方天下人皆使
遠離於熱極過度去菩薩見寒時心念言十
方天下人皆使作人中將得極明涼好處菩
薩見誦經時心念言十方天下人皆使解於

戒二

九

諸經處盡求索智悉攬持諸慧菩薩見佛時
心念言十方天下人皆使與諸佛共會心無
所罣礙菩薩上向視佛時心念言十方天下
人皆使眼所視無所罣礙見無極處菩薩爲
佛拜頭腦著地時心念言十方天下人皆使
無有能速見佛頭上者天上天下菩薩拜起

